

# basic education

Department:
Basic Education
REPUBLIC OF SOUTH AFRICA

### NATIONAL SENIOR CERTIFICATE

**GIREIDI YA 12** 

TSHIVENDA LUAMBO LWA HAYANI (HL)

BAMMBIRI LA U THOMA (P1)

2017

**MEMORANDAMU** 

MARAGA: 70

Memorandamu uyu u na masiatari a 9.

KHA VHA PFESESE:

- Memorandamu uyu u tou vha tsumbandila fhedzi ya u thusa vhatoli/vhamaki.
- Ngauralo, a u tei u vha ambadzifhele nga wothe lini.
- Phindulo dza vhagudi dzi tea u sedzwa u ya nga vhukoni ho taniwaho kha phindulo yeneyo.
- Phindulo dzi tea u eliwa nga u angaredza, nahone mbuno dzi newe ho teaho zwi tshi tevhedza maga o dzhiiwaho kha mutangano wa ndinganyiso.
- Memorandamu uyu u do thoma wa dzulelwa dzulo nga vhothe vha kwameaho musi u tola/maka hu sa athu u thoma.

#### KHETHEKANYO YA A: THOLOKANYONDIVHO

#### NDAELA KHA VHAŢOLI/VHAMAKI

#### Maga a u tola/maka tholokanyondivho:

- Ngauri ndivho i kha u pfesesa, mupeleto wo khakheaho na vhukhakhi ha luambo kha phindulo zwi songo newa ndatiso nga nnda ha musi vhukhakhi honoho vhu tshi thithisa kupfesesele/u shandula zwi ambwaho. (Honeha, vhukhakhi vhu di fanela u sumbedzwa.)
- Arali mulingiwa a shumisa maipfi a luambo lunwe lune a sa khou lingwa khalwo, kha vha tsinye ito kha maipfi ayo, nahone arali phindulo i tshi kha di pfala, hu songo vha na ndatiso. Honeha, arali ipfi li bvaho kha lunwe luambo lwo shumiswaho kha tshibveledzwa nahone la lavhelelwa kha phindulo, izwi zwi a tanganedzea.
- Kha mbudziso dzo vuleaho, a hu na maraga dzine dza fanela u avhelwa kha EE/HAI kana NDI A TENDA/A THI TENDI. Tshiitisi/thikhedzo/thuthuwedzo ndi zwone zwine zwa fanela u sedziwa.
- A hu na maraga dzine dza tea u avhelwa phindulo dzi todaho NDI NGOHO/A SI NGOHO kana MBUNO/KUHUMBULELE. Tshiitisi/thikhedzo/thuthuwedzo ndi zwone zwine zwa fanela u sedziwa.
- Musi phindulo ya ipfi lithihi yo lavhelelwa, hone mulingiwa a nea fhungo lothe, kha a newe maraga; tenda fhedzi ipfi lo lavhelelwaho la talelwa kana lo sumbedzwa.
- Musi mbuno mbili/tharu dzi tshi todiwa, ngeno nnzhi dzo nekedzwa, kha vha make fhedzi mbili/tharu dza u thoma.
- Kha vha tanganedze u fhambana ha nyambotavhi.
- Kha mbudziso dza u nanga kha zwinzhi, kha vha tanganedze ZWOTHE, ledere li livhanaho na phindulo yone NA/KANA phindulo yo nwalwaho nga vhudalo.

# MBUDZISO YA 1: U VHALA U ITELA U WANA THALUTSHEDZO NA U PFESESA

### PHINDULO: TSHIBVELEDZWA TSHA A

| 1.1 | Ndi vhudifhinduleli ho godombelaho ha murangaphanda/<br>tshanduko/vhudifhinduleli.√  | (1) |
|-----|--|-----|
| 1.2 | Ndi u tholwa havho vha tshi vha thohoyatshikolo tsha Mbali.√   | (1) |
| 1.3 | <ul> <li>Vhadededzi na vhulangi ha tshikolo vho vha vha sa iti mushumo nga ngona.√</li> <li>Vhashumi vha ngadeni na vhakunakisi vha ofisini vho vha vha sa shumi nga murahu ha tshiswitulo.√</li> <li>Vhomabalane vho vha tshi dzulela u tamba nga lutingo.√</li> </ul>  |     |
|     | [Zwiraru fhedzi zwi pfalaho.]  | (3) |
| 1.4 | Vho-Phaduli vho fara mitangano na zwiimiswa zwothe afho tshikoloni hu u itela u vha sumbedza ndeme ya mushumo. $\sqrt{}$   |     |
|     | [Maraga mbili kha phindulo i pfalaho]  | (2) |
| 1.5 | A hu na vhungoho kha fhungo ili. Vho-Mailanombe na vhathu vhanzhi nga u angaredza vho vha vho no tanganedza uri a hu na muthu ane a nga vhuedzedza tshikolo tsha Mbali ngonani.√ Ndi ngazwo vho nyadza Vho-Phaduli, fhedzi ha vho itea zwe vhathu vha vha vha songo lavhelela – tshikolo tsha aluwa, mvelelo dza matiriki dza vha dza ntha vhukuma. √√ |     |
|     | [Maraga tharu kha phindulo i pfalaho.]   | (3) |
| 1.6 | Muhumbulo muhulwane ndi wa u todou bvisela khagala uri thuso ya mveledziso ya tshikolo a i wanali kha muvhuso fhedzi, i a wanala na kha zwiimiswa zwo fhambanaho (sa vhoramabindu na vhoramamaga) arali tshikolo tsho ita khumbelo.  |     |
|     | KANA   |     |
|     | Muńwali u tutuwedza uri hu vuswa i divusaho/Nwana hu la a lilaho.  |     |
|     | [Maraga mbili kha muhumbulo u pfalaho.]√√  | (2) |
| 1.7 | U bvisela khagala uri u shaea ha murangaphanda a re na vhudifhinduleli<br>tshikoloni tsha Mbali√ zwo ita uri vhashumi vha itshi tshikolo vha ite   |     |

zwine vha funa ngauri ho vha hu si na mukaidzi.√

(2)

| 1.8   | <ul> <li>Ndi mushumi wa biko.</li> <li>Vha a kona u shumisana na vhanwe vhathu.</li> <li>U tutuwedza vhanwe vhathu.</li> <li>U thusa lushaka hu si na u fhela mbilu.</li> </ul>   |     |
|-------|---|-----|
|       | [Zwivhili fhedzi zwi pfalaho.]√√  | (2) |
| 1.9   | Ee, ndi a tendelana nakwo ngauri komiti musi dzi hone dzi thusa uri vhathu vha kone u shumisana/u eletshedzana/u tutuwedzana/thusana u itela mveledziso. $$   | (2) |
| 1.10  | Ee/Zwi a tendisea ngauri:   |     |
|       | <ul> <li>Vhurangaphanda vhu re na vhudifhinduleli ho dziaho vhu a disa tshanduko yavhudi (zwikoloni).</li> <li>Vhathu vha thusedza muvhuso, zwiimiswa zwa muvhuso (sa zwikolo), zwi nga bveledza tshumelo ya khwine zwitshavhani.</li> <li>U shuma nga u nekana mishumo(delegation) zwi thusa u fhelisa vhuimawoga, zwa dovha zwa thusa u bveledza mitshelo yavhudi.</li> </ul> |     |
|       | [Maraga tharu kha mbuno tharu dzi pfalaho.] √√√   | (3) |
| PHIND | OULO: TSHIBVELEDZWA TSHA B  |     |
| 1.11  | Muoli u khou tutuwedza vhudifhinduleli ha mubebi kha u fundedza/thusa nwana wawe na vhudiimiseli ha nwana kha u todou guda/Zwi tutuwedza u guda zwikili zwa u kona u vhala na u nwala musi vhana vha tshe vhatuku.√√  | (2) |
| 1.12  | D/A,B na C.√  | (1) |
| 1.13  | Vhudipfi ha nwana ndi ha u nyanyulea/takalela,√ ngauri u khou fundedziwa/gudisiwa nga mubebi wawe.√√  | (3) |
| PHIND | OULO: TSHIBVELEDZWA TSHA A NA B   |     |
| 1.14  | Vhutumani ndi ha uri zwibveledzwa zwothe zwi khou amba nga ha vhudifhinduleli ho dziaho kha u bveledza pfunzo ya nwana.√ Kha mafhungo a TSHIBVELEDZWA TSHA A, hu khou bviselwa khagala u shumisana ha vhulangi ha tshikolo na vhafaramikovhe kha pfunzo ya vhana,√ ngeno kha TSHIBVELEDZWA TSHA B mubebi a tshi khou thusana na nwana wawe hayani malugana na pfunzo yawe.√     |     |

### THANGANYELO YA KHETHEKANYO YA A: 30

[Maraga tharu kha phindulo i pfalaho.]

(3)

#### KHETHEKANYO YA B: MANWELEDZO

#### MBUDZISO YA 2: U NWELEDZA NGA MAIPFI AŅU

#### Ndila ya u maka manweledzo:

Manweledzo a tea u makiwa nga ndila i tevhelaho:

#### • Kuavhelwe kwa maraga:

- o Maraga dza 7 kha mbuno dza 7 (maraga 1 kha mbuno).
- o Maraga 3 ndi dza luambo.
- o Thanganyelo ya maraga: 10
- Kuavhelwe kwa maraga dza luambo musi mulingiwa a songo anulula/kopolola maipfi o tou ralo:
  - o Mbuno dza u bva kha 1–3 dzi re dzone: avhelani maraga 1
  - o Mbuno dza u bva kha 4–5 dzi re dzone: avhelani maraga 2
  - o Mbuno dza u bva kha 6–7 dzi re dzone: avhelani maraga 3
- Kuavhelwe kwa maraga dza luambo musi mulingiwa o anulula/kopolola maipfi o tou ralo:
  - Khouthesheni dza u bva kha 6–7: ni songo avhela maraga dza luambo
  - o Khouthesheni dza u bva kha 1–5: avhelani maraga 1 ya luambo

#### PFESESANI:

- Tshivhalo tsha maipfi:
  - Vhamaki vha tea u khwathisedza tshivhalo tsha maipfi o shumiswaho.
  - O Vha songo tusa maraga arali mulingiwa a songo sumbedza tshivhalo tsha maipfi, kana arali tshivhalo tsha maipfi tsho sumbedzwaho tsho khakhea. Arali tshivhalo tsha maipfi tsho fhira, kha vha vhale u swika kha fhungo la u fhedzisa li re ntha ha tshivhalo tsho tetshelwaho, vha litshe ayo manwe a manweledzo o salaho.

#### PHINDULO: TSHIBVELEDZWA TSHA C

| NO. | KHOUTHESHENI  | NO. | MBUNO                      |
|-----|---|-----|----------------------------|
| 1   | 'Ndi ngazwo vhathu vha tshi tea u dalela vhatoli    | 1   | Vhathu vha tea u ţolwa     |
|     | vha malofha u itela u divha lushaka lwa malofha,    |     | malofha u itela u divha    |
|     | na uri vha kone u wana ngeletshedzo ya zwiliwa      |     | tshaka dza zwiliwa dzo     |
|     | zwo teaho mivhili yavho.'                           |     | vha teaho.                 |
| 2   | 'U ita nyonyoloso tshifhinga tshothe ndi zwa        | 2   | U ita nyonyoloso zwi       |
|     | ndeme kha muvhili wa muthu, ngauri zwi na thuso     |     | thivhela malwadze.         |
|     | ya u fhaṭa muvhili khathihi na u u vhea kha         |     |                            |
|     | nzulele yavhuḍi ine ya si sokou u kavhiwa nga       |     |                            |
|     | malwadze o fhambanaho.'                             |     |                            |
| 3   | 'Ndi ndugelo ya muthu u langa kulele kwawe kwa      | 3   | Muthu u tea u langa        |
|     | zwiliwa kwa misi yothe.'                            |     | kuļele kwawe.              |
| 4   | 'Kha vha pulanele muvhili wavho nga u vha na        | 4   | Ivhani na dayari ya u      |
|     | dayari ya u ńwala zwiliwa zwine vha zwi shumisa     |     | ńwala zwiliwa zwine na la. |
|     | zwifhinga zwothe.'                                  |     | ^ ^                        |
| 5   | 'Muvhili kha u vhe wone u langwaho nga ndala, hu    | 5   | Muthu kha le zwiliwa nge   |
|     | si maitele a u vhona tshiliwa, tsha fhelela         |     | a vha na ndala.            |
|     | mulomoni.'  |     | ^                          |
| 6   | 'Hu na zwiimiswa zwine zwa vha na                   | 6   | Zwiimiswa zwi thusa        |
|     | mbekanyamushumo ya zwa mutakalo, hune ha vha        |     | vhathu kha u eletshedza    |
|     | na mirado ine ya thusana kha kufarelwe kwa          |     | kufarele kwa mivhili.      |
|     | mivhili.'   |     |                            |
| 7   | 'Kha hu vhe na tshifhinga tshine muthu a tshimbila  | 7   | U tshimbila nga milenzhe   |
|     | nga milenzhe musi a tshi ya hune ha vha tsini.'     |     | ndi zwa ndeme.             |
| 8   | 'Baisigira ndi tshinwe tsha zwiendedzi tshine wa    | 8   | Baisigira i a thusa kha    |
|     | nga tshi shumisa u fhata muvhili wau.'              |     | mutakalo.                  |
| 9   | 'Muthu u tea u vha na ndivho kha zwine a todou      | 9   | Ndivho ya zwa mutakalo i   |
|     | ita hu u itela wone mutakalo, hone i songo vha i sa |     | tea u vha i swikeleleaho.  |
|     | swikelelei ngauri wa balelwa u nga zwi thupha.'     |     |                            |

#### TSHIVHUMBEO TSHA PHARA

PFESESANI: Iyi i tou vha tsumbo; mulingiwa ha lavhelelwi u tou i bvisa yo tou ralo kokotolo lini.

Vhathu vha tea u tolwa malofha u itela u divha tshaka dza zwiliwa zwine vha la. U ita nyonyoloso zwi thivhela malwadze mivhilini. Muthu u tea u langa kulele kwawe kwa zwiliwa; a dovhe hafhu a vhe na dayari ya u nwala zwiliwa zwine muvhili wawe wa toda, khathihi na u la zwiliwa nge a pfa ndala. Zwiimiswa zwi thusa vhathu kha kufarele kwa mivhili. U tshimbila nga milenzhe ndi zwa ndeme ngeno na baisigira i na thuso. Ndivho ya zwa mutakalo i tea u vha i swikeleleaho u itela u fhata muvhili. U thogomela mivhili yashu ndi zwa ndeme.

[Maipfi a 91]

# KHETHEKANYO YA C: ZWIVHUMBEO NA MILAYO YA KUSHUMISELE KWA LUAMBO

#### Maga a u tola/maka

- Mupeleto:
  - Phindulo ya ipfi lithihi i tea u newa maraga naho mupeleto wo khakhea, nga nnda ha musi vhukhakhi uho vhu tshi shandukisa thalutshedzo ya ipfi lenelo.
  - Kha phindulo ya fhungo lo dalaho, vhukhakhi ha mupeleto vhu tea u newa ndatiso arali vhu kha tshivhumbeo tsha luambo lwonolwo lu lingiwaho ngalwo.
  - Hune ha lingiwa pfufhifhadzo ya ipfi (aburivesheni), phindulo i tea u newa i kha mupeleto wonewone.
- Zwivhumbeo zwa mafhungo zwi tea u vha zwi kha divhafhungo/girama yoneyone, nahone yo newa i kha mafhungo o fhelelaho/kana sa zwi ananaho na ndaela.
- Kha mbudziso dza munangelo, kha vha tanganedze ZWOŢHE, ledere li tshimbilelanaho na phindulo yone NA/KANA phindulo yo nwalwaho nga vhudalo.

#### MBUDZISO YA 3: U SENGULUSA KHUNGEDZELO

#### PHINDULO: TSHIBVELEDZWA TSHA D

3.1 Mukungedzeli o shumisa khephusheni ya fonto khulwane hu u itela u kunga vhataleli vhane vha toda u fodiwa uri vha ye nga vhunzhi.

#### KANA

Khamera ya u foda/ nyimele ya mufodi zwi nga kunga mato a mutaleli.

[Maraga mbili kha phindulo i pfalaho.] √√

(2)

- 3.2 Mukungedzeli o shumisa rethoriki/tshivhudzisi/mbudziso i sa todi phindulo√ ngauri u sumbedza uri munwe na munwe u a toda tshimima tshavhudi.√
  - (2)
- 3.3 Ndi vhaswa ndi vhone vhane vha kha di takalela zwa u fodiwa.
  - Ndi vha madzangano o fhambanaho ndi vhone vha dzhiaho zwifanyiso u itela nyandadzo/vhuvhambadzi.
  - Ndi vha mishumo yo fhambanaho sa mbingano, mbulungo, nz.
     u itela u vhulunga zwo bvelelaho/iteaho.

[Mbuno nthihi na thikhedzo nthihi.]  $\sqrt{\sqrt{}}$ 

(2)

| 3.4 | D/A na C.√  | (1)                  |
|-----|---|----------------------|
| 3.5 | Ndi KUHUMBULELE, ngauri u talela video na zwinepe ndi dzema/<br>ndowelo i si ya vhathu vhothe;√ ngauralo a zwi konadzei uri vhathu vhothe<br>vha twe vho dzulela u talela video na zwinepe tshifhinga tshothe vhe hayani<br>vha si tsha bva.√√                                  |                      |
|     | [Kana zwińwevho zwi pfalaho.]   | (3)<br>[ <b>10</b> ] |
| MBU | JDZISO YA 4: KHATHUNI   |                      |
| PHI | NDULO: TSHIBVELEDZWA TSHA E   |                      |
| 4.1 | Ndivho ya muoli ndi u bvisela khagala khakhathi dza mitani/u tambudzwa ha vhafumakadzi.√√   | (2)                  |
| 4.2 | U kotamela fhasi na u dithivha tshifhatuwo zwi tana muthu/mufumakadzi ane a khou dipilela/tsireledza kha u rwiwa.   |                      |
|     | KANA  |                      |
|     | Zwi sumbedza u shaya nungo ha mufumakadzi kha u tambudzwa nga munna muṭani.   |                      |
|     | [Maraga mbili kha phindulo i pfalaho.]√√  | (2)                  |
| 4.3 | D/u do mu vhulaha.√   | (1)                  |
| 4.4 | Vhudipfi ha muambi wa 3 ndi ha u pfela munwe muthu vhutungu,√ ngauri u khou kaidza na u kwengweledza uyo a no khou ita khakhathi.√  | (2)                  |
| 4.5 | Ndo vha ndi tshi nga mu eletshedza uri:   |                      |
|     | <ul> <li>Kha dzule fhasi na mufumakadzi wawe vha dzudzanye mafhungo.</li> <li>Kha humbele lushaka lu vha lamukanye.</li> <li>Zwi nga fhedza zwo mu isa mulayoni a fariwa.</li> <li>Zwi lwa na ndayotewa ya shango.</li> <li>Kha ye a lamukanywe nga vhashumelavhapo.</li> </ul> |                      |
|     | [Zwiraru fhedzi zwi pfalaho.] √√√   | (3)<br>[10]          |

## MBUDZISO YA 5: KUSHUMISELE KWA LUAMBO NGA NDILA YONE

### PHINDULO: TSHIBVELEDZWA TSHA F

| 5.1 | Tshigwenamatope√< Li bva kha dzina na dzina/tshigwena+ matope.√  | (2)         |
|-----|--|-------------|
| 5.2 | <b>Tshamudaneni</b> .√ Mutanuni u khou bika vhuswa <i>tshamudaneni</i> .√  | (2)         |
| 5.3 | Nangoho <b>Mudzuli o undudzwa nga madukana</b> nga u levha hawe.√√   | (2)         |
| 5.4 | <b>'Vhe vha mu rwa</b> .'√ Li khou shuma u talula uri ndi vhafhio vhatukana vho rwaho Mudzuli.√                          |             |
|     | KANA   |             |
|     | ' <b>Vhe vha vha vho awela.'</b> √ Li khou shuma u talula uri ndi vhafhio vhathannga vhe vha vho awela.√                 | (2)         |
| 5.5 | Mukegulu o shumisa luambo lwa u kwengweledza/u pfela vhutungu/dinalea,√hu u itela uri muduhulu a ambulule vho mu rwaho.√ | (2)<br>[10] |
|     | ŢHANGANYELO YA KHETHEKANYO YA C:<br>MARAGAGUŢE:  | 30<br>70    |